

Na osnovu provedenog postupka u skladu sa Zakonom o javnim nabavkama Bosne i Hercegovine, ("Službeni glasnik BiH", broj 39/14), a po Otvorenom postupku, broj: 05.12.99-7727/20 od 30.12.2020. godine, te Odluke o izboru najpovoljnijeg ponuđača Direktorice J.U.Zavod za javno zdravstvo Kantona Sarajevo broj: 05.12.99-7727-Odluka o izboru 2LOT2/21 od 05.04.2021.godine, kojom je prihvaćena Ponuda ponuđača ALF-OM d.o.o. Banja Luka kao najbolje ocjenjena ponuda, za potrebe J.U. Zavod za javno zdravstvo Kantona Sarajevo, zaključuje se sljedeći:

OKVIRNI SPORAZUM O JAVNOJ NABAVCI ROBE TONERI I KETRIDŽI LOT 2

J.U. ZAVOD ZA JAVNO ZDRAVSTVO KANTONA SARAJEVO, ulica Dr. Mustafe Pintola broj 1/III Ilidža - Sarajevo, identifikacioni broj: 4200329950003, koga zastupa Prof.dr.med.sci. Aida Pilav, direktorica (u daljem tekstu: Ugovorni organ)

i

ALF-OM d.o.o. Banja Luka, P.J. I. Sarajevo, ulica V.R. Putnika br. 38, identifikacioni broj: 4400810890048, koga zastupa direktor Darko Suvajac (u daljem tekstu: Dobavljač), zaključili su:

I PREDMET OKVIRNOG SPORAZUMA

Član 1.

Predmet ovog Okvirnog sporazuma je sukcesivna nabavka robe za LOT 2 – Toneri i ketridži, za potrebe J.U. Zavoda za javno zdravstvo Kantona Sarajevo, a prema ponudi broj: 0015/21 SK od 21.01.2021. godine i prema Obrascu za cijenu ponude nakon E-aukcije, koji čine sastavni dio ovog Okvirnog sporazuma.

Član 2.

Ugovorni organ naručuje predmetnu robu, a Dobavljač prihvata da isporučuje istu, a na osnovu provednog postupka javne nabavke putem Otvorenog postupka i Odluke Ugovornog organa o izboru najpovoljnijeg Ponuđača.

Član 3.

Ugovorni organ i Dobavljač su saglasni da Okvirni sporazum realizuju prema već definisanim uslovima u Obavještenju o javnoj nabavci putem Otvorenog postupka (u daljem tekstu:

Obavještenje) i prema Tenderskoj dokumentaciji i to:

- 1) Ugovorni organ prema zahtjevima u Obavještenju i Tenderskoj dokumentaciji
- 2) Dobavljač, prema dostavljenoj ponudi i dokumentaciji sa preciziranim ponuđenim uslovima u prijavi na otvoreni postupak.

II UGOVORENA CIJENA, OBRAČUN I NAČIN PLAĆANJA

Član 4.

Ugovorni organ će sklapati pojedinačne ugovore o javnoj nabavci do visine osiguranih tj. planiranih sredstava

Član 5.

- (1) U obim roba iz člana 1. Ovog Okvirnog sporazuma podrazumijeva se roba po prihvaćenim cijenama sa uračunatim poreskim obavezama (Prema specifikaciji iz Obrasca za cijenu ponude i prihvaćenoj ponudi).
- (2) Ukupna vrijednost Okvirnog sporazuma nakon E-aukcije iznosi **10.500,00 KM bez PDV-a.**

Član 6.

- (1) Dobavljač se obavezuje da robu fakturiše istog dana kada je isporučio istu, na osnovu otpremnih dokumenata (otpremnica i sl.) potvrđenih od strane Ugovornog organa da je robu preuzeo.
- (2) Dobavljač je dužan isporučivati robu sukcesivno Ugovornom organu na osnovu dobivene narudžbenice i to po potpunoj isporuci robe iskazane na narudžbenici.
- (3) Dobavljač se obavezuje na nepromjenljivost ponuđenih cijena tokom cijelog ugovornog perioda, te naknadne izmjene neće biti moguće.
- (4) Ugovorni organ će platiti fakturu za isporučenu robu u roku od 30 dana (trideset) od nastanka obaveze iz stava (1) ovog člana.
- (5) Dobavljač se obavezuje da na fakturi naznači broj LOT-a na koji se odnosi.
- (6) Ugovorni organ neće preuzimati robu nit plaćati fakture ukoliko se iskaže razlika u količinama na fakturi, otpremnici i narudžbenici.

III ROK, MJESTO I NAČIN ISPORUKE ROBA

Član 7.

- (1) Dobavljač se obavezuje da će u skladu sa članom 2. i 6. ovog Okvirnog sporazuma ~~isporučivati robu Ugovornom organu, u skladu sa potrebama i narudžbama iskazanim u~~ pismenom obliku i to u roku od pet (5) dana od prijema pismene narudžbenice.
- (2) Ukoliko u toku trajanja Okvirnog sporazuma Dobavljač promijeni broj telefona i faksa, odmah je dužan pismenim putem obavijesiti Ugovorni organ.
- (3) Dobavljač se obavezuje dostaviti Ugovornom organu robu propisanog kvaliteta, u traženim količinama i u dogovreno vrijeme.

(4) Dobavljač se obavezuje da će obezbijediti prioritet snabdijevanja robama koje su predmet Okvirnog sporazuma Ugovornom organu i da će u svakom momentu imati posebno rezervisane količine roba koje su predmet Okvirnog sporazuma, nezavisno od situacije na tržištu.

(5) Mjesto isporuke robe: sjedište Ugovornog organa, ul. Dr. Mustafe Pintola 1/III u J.U.Zavod za javno zdravstvo Kantona Sarajevo.

Član 8.

- (1) Dobavljač se obavezuje da će isporuku robe koja je predmet Okvirnog sporazuma izvršiti u skladu sa zahtjevom Ugovornog organa i da će odmah postupiti po eventualnim primjedbama Ugovornog organa u pogledu nedostataka na ime kvaliteta izvršene nabavke.
- (2) Ugovorni organ je dužan da dostavi pismeno obavještenje o svakom navodnom propustu Dobavljača po Okvirnom sporazumu.
- (3) Ugovorni organ će utvrditi razuman rok za ispravku propusta Dobavljača u smislu izvršene nabavke i isporuke.

Član 9.

Dobavljaču se postavlja uslov da nema pravo da zapošljava u svrhu izvršenja ovog Okvirnog sporazuma, fizička ili pravna lica koja su učestvovala u pripremi tenderske dokumentacije, ili su bila u svojstvu člana ili stručnog lica koja je angažovala Komisija za javne nabavke, nadležna za dodjelu ovog Okvirnog sporazuma, najmanje šest mjeseci po zaključenju istog.

Član 10.

- (1) Roba utvrđena ovim Okvirnim sporazumom mora biti u skladu sa tenderskom dokumentacijom i zahtjevima Ugovornog organa.
- (2) Ugovorni organ ima pravo stručnog kontroliranja kvaliteta isporučene robe, a Dobavljač je u obavezi kontrolu omogućiti te uvažiti eventualne primjedbe Ugovornog organa i u skladu sa istim načiniti ispravku.

Član 11.

Ponuda Dobavljača broj 0015/21 SK od 21.01.2021. godine na temelju koje je sačinjen ovaj Okvirni sporazum, čini sastavni dio istog.

Član 12.

- (1) Ovaj Okvirni sporazum se zaključuje za ugovorni period od 12 (dvanaest) mjeseci.
- (2) U slučaju eventualnih primjedbi Ugovornog organa na kvalitet robe, Okvirni sporazum se može djelimično ili potpuno raskinuti i prije njegovog isteka, uz prethodno izmirenje svih obaveza utvrđenih po osnovu ovog Okvirnog sporazuma.
- (3) Odredbe ovog Okvirnog sporazuma se mogu mijenjati nakon njegovog zaključenja.

IV UGOVORNE KAZNE I NAKNADA ŠTETE

Član 13.

(1) U slučaju kašnjenja u isporuci roba, do kojeg je došlo krivicom odabranog Ponuđača, isti će platiti ugovornu kaznu u skladu sa Zakonom o obligacionim odnosima u iznosu od 1% naručene robe, za svaki dan kašnjenja do urednog ispunjenja, a najdalje 5 kalendarskih dana s tim da ukupan iznos ugovorene kazne ne može prijeći 10% od ukupno ugovorene vrijednosti robe koja je predmet narudžbe. Odabrani Ponuđač je dužan platiti ugovorenu kaznu u roku od 7 (sedam) dana od dana prijema zahtjeva za plaćanje od ugovornog organa, u protivnom Ugovorni organ će umanjiti fakturu za navedeni iznos.

(2) Ugovorni organ neće naplatiti ugovorenu kaznu ukoliko je do kašnjenja došlo usljed više sile. Pod višom silom se podrazumjeva slučaj kada ispunjenje obaveze postane nemoguće zbog vanrednih vanjskih događaja na koje izabrani Ponuđač nije mogao uticati niti ih predvidjeti.

(3) Ukoliko Dobavljač na bilo koji način neuredno ispunjava preuzete ugovorne obaveze, a naročito u pogledu kvaliteta, kvantiteta roba i utvrđenih rokova, Ugovorni organ ima pravo raskida Ugovora i pravo da o trošku Dobavljača ustupi posao drugom Dobavljaču sa pravom naknade troškova uvođenja novog Dobavljača kao i pravo na naknadu mogućeg nastanka štete zbog neispunjenja Ugovorne obaveze.

V ZAVRŠNE ODREDBE

Član 14.

Eventualno nastale sporove pri realizaciji ovog Okvirnog sporazuma, ugovorne strane će rješavati mirnim putem, u protivnom, ugovara se nadležnost Suda u Sarajevu.

Član 15.

Svaka od ugovornih strana može otkazati ovaj Okvirni sporazum pismenim putem uz otkazni rok od 15 (petnaest) dana iz svih razloga propisanih Zakonom o obligacionim odnosima.

Član 16.

Za sve što nije regulisano ovim Okvirnim sporazumom, primjenjivaće se odredbe Zakona o obligacionim odnosima.

Član 17.

Ovaj Okvirni sporazum stupa na snagu danom potpisivanja obje ugovorne strane i traje najviše godinu dana ili do utroška sredstava iz člana 5. Ovog Okvirnog sporazuma.

Član 18.

Ovaj Okvirni sporazum je sačinjen u 4 (četiri) istovjetna primjerka, od čega svaka ugovorna strana zadržava po 2 (dva) primjerka.

ALF-OM d.o.o.
Banja Luka

DIREKTOR

(Darko Suvajac)

J.U. Zavod za javno zdravstvo
Kantona Sarajevo

DIREKTORICA

(Prof.dr.med.sci. Aida Pilav)

Broj: 060/21

Datum: 26.04.2021.

Broj: 05.12.99-7727-Okvirni sporazum LOT2/21

Datum: 26.04.2021. godine

